

Nakon sprovedene procedure konkurentskog postupka, na način i po postupku predviđenom odredbama Zakona o javnim nabavkama BiH, zaključuje se

U G O V O R **O OBUCI IZ PRVE POMOĆI**

između:

JAVNE USTANOVE "APOTEKE SARAJEVO", Sarajevo, Aleja Bosne Srebrene bb, koju zastupa generalni direktor Nedim Hrelja mr. ph. MBA (u daljem tekstu **Naručilac usluga**)

i

JU ZAVOD ZA HITNU MEDICINSKU POMOĆ KANTONA SARAJEVO, ul. Kolodvorska 14, 71000 Sarajevo, ID broj: 4200014530006, koju zastupa direktor Mr. sci. med. Adem dr Zalihić (u daljem tekstu **Pružatelj usluga**)

I PREDMET I CIJENA

Član 1.

Predmet ovog ugovora je nabavka usluge edukacije 125 (stotinudvadesetpet) radnika **Naručioca** usluga iz primjene osnovnih mjera održavanja života (BLS/AED) na osnovu Ponude **Pružatelja** usluga broj: 5879/19 od 04.10.2019., koja je sastavni dio ovog ugovora.

Ukupna vrijednost ugovora iznosi 10.000,00 KM. Predmetne usluge oslobođene su plaćanja PDV-a, u skladu sa tačkom 2. st. (1) člana 24. Zakona o porezu na dodatnu vrijednost ("Službeni glasnik BiH" br. 9/05, 35/05 i 100/08).

Cijene iz ponude ne mogu se mijenjati za vrijeme trajanja ugovora.

II SADRŽAJ USLUGE

Član 2.

Usluge iz člana 1. podrazumijevaju:

- Obuku 125 (stotinudvadesetpet) radnika **Naručioca** iz prve pomoći (koja će se provesti u Edukativnom centru Zavoda za hitnu medicinsku pomoć Sarajevo, u trajanju od 8 sati;
- izdavanje uvjerenja – certifikata polaznicima o provedenom programu, tj. osposobljenosti za primjenu osnovnih mjera prve pomoći.

III ROK I NAČIN IZVRŠENJA USLUGE

Član 3.

Edukacija radnika **Naručioca** usluga iz primjene osnovnih mjera održavanja života (BLS/AED) izvršiti će se u periodu od 06.01.2020. do 31.01.2020. godine, u toku radnog vremena, od 08:00 do 17:00 sati, u prostorijama **Pružatelja** usluge, u Edukativnom centru Zavoda za hitnu medicinsku pomoć Kantona Sarajevo, na adresi Kolodvorska 14, Sarajevo.

JU "Apoteke Sarajevo"

JU Zavod za hitnu medicinsku pomoć Kantona Sarajevo

IV OBAVEZE PRUŽATELJA USLUGE

Član 4.

Pružatelj usluga garantuje da će:

- obezbjediti ljudske i tehničke resurse za kvalitetno i blagovremeno izvršenje usluge;
- uredno realizirati ugovor,
- prihvatiti eventualne pismene reklamacije na izvršene usluge.

V NAČIN I ROK PLAĆANJA

Član 5.

Za izvršenu uslugu iz člana 1. ovog ugovora Naručioc usluge prihvata plaćanje po obavljenoj edukaciji, a prije preuzimanja sertifikata, u roku od 30 dana od dana zaprimanja fakture. Uplata se vrši na transakcijski račun Pružatelja usluge naznačen na fakturi.

VI SAOPŠTENJE I REKLAMACIJE

Član 6.

Ugovorne strane su saglasne da će se međusobno informisati o svim bitnim elementima koji su od značaja za realizaciju ovog ugovora.

Svaka strana zadržava pravo da u roku od tri dana, računajući od dana učinjene povrede odredbi ovog ugovora, uloži prigovor drugoj strani.

Član 7.

Pravo prigovora, odnosno reklamacije, naročito se odnosi na slučajeve:

- neblagovremenog izvršenja usluge,
- neblagovremene najave okolnosti koje se tiču realizacije ugovora
- neblagovremenog izmirenja obaveza, i
- u drugim opravdanim slučajevima.

VII TRAJANJE UGOVORA

Član 8.

Ovaj ugovor se zaključuje na period od 01.11.2019. do 31.01.2020. g.

VIII PRELAZNE I ZAVRŠNE ODREDBE

Član 9.

Ukoliko u toku trajanja ovog ugovora dođe do bilo kakvih promjena u nazivu ili drugim statusnim promjenama ugovornih strana, tada će sva prava i obaveze ugovorne strane kod koje dođe do takve promjene, preći na njegovog sljedbenika.

Član 10.

Za sve što nije predviđeno ovim ugovorom primjenjuju se odredbe Zakona o obligacionim odnosima i drugih pozitivnih propisa.

Ugovorne strane su saglasne da je u rješavanju eventualnog spora nadležan Sud u Sarajevu.

Član 11.

Ovaj ugovor je sačinjen u 4 (četiri) istovjetna primjerka, od kojih po dva primjerka zadržava svaka ugovorna strana.

JU „APOTEKE SARAJEVO“

Nedim Hrelja mr. ph. MBA
Generalni direktor

**JU ZAVOD ZA HITNU MEDICINSKU POMOĆ
KANTONA SARAJEVO**

Mr. sci. med. Adem dr Zalihić
Direktor

Broj: 01-03-2179/19

Broj: 1.6875/19

Sarajevo, 29.10.2019. godine

06.11.19

JU "Apoteke Sarajevo"

JU Zavod za hitnu medicinsku pomoć Kantona Sarajevo

